



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. D. Antonini Diana Panormitani, Cler. Reg. & S. Officij
in Regno Sicil. Consultoris, Practicæ Resolutiones
Lectissimorum Casuum**

Diana, Antonino

Antverpiæ, 1645

Leges.

urn:nbn:de:hbz:466:1-41753

à Principe apud quem sunt, si delictum committant, quod iure gentium damnetur : quia non debet eis suffragari ius, quod ipsi primi violarunt. Farinac. & alij 16. Hoc tamen intelligendum est de solis Legatis Principum secularium, nam Nuntij Pontificis cum totâ familiâ, etiam laicâ vndequaue immunes sunt. *p. 6. tr. 8. ref. 2.*

Leges.

Leges humanæ ciuiles vt obligent, requiritur acceptatio populi, alioquin essent nimis onerosæ. (Lessius & alij 11.) Leges autem Pontificiæ ab eiusmodi acceptatione non pendent; quia Pontif. iurisdictionem accipit immediatè à Deo: (Suar. & alij 7.) si tamen per non usum aliqua est abrogata non obligat amplius *p. 1. tr. 10. ref. 1.*

2 Qui primi contra legem laicam agunt, nec eam acceptant, peccant. (Suar. & alij 8) etsi quidam contrarium doceant. (Bonacin. & alij 2.) Quod si Episcopi & Principes, qui tunc viuunt cum lex Pontificis primùm promulgatur, eam non recipiunt; successores eorum excusantur. Becan. Semper tamen licet supplicationem pro reuocandâ lege por-

porrigere, & interim illam non serua-
re, donec legislator mentem suam ape-
ruerit. Suar. & alij 3. *ibid. res. 2. 5. & 6.*
& *p. 5. tr. 14. res. 8.*

3 Non tenentur Episcopi procurare ut
leges Pontificie in suis diocesisibus pro-
mulgentur, aut recipiantur, nisi Ponti-
fex hoc ipsis committat. Præpos. &
Sylu *p. 6. tr. 6. res. 38* sed non est necesse
illas promulgari in singulis diocesisibus,
& prouinciis, sufficit si Romæ promul-
gentur. (Suarez, Vasquez & alij 26.)
Non tamen censentur obligare, nisi
post duos menses, à promulgatione.
(Valent. & alij 10.) Imò probabile est, &
tutum, non obligare, nisi post promul-
gationem in singulis diocesisibus. Moli-
na & alij 16 *p. 1. tr. 10. res. 8. & 9. & p. 5.*
tr. 14. res. 25. & p. 6. tr. 6. res. 39.

4 Ius ciuile extra ditiones imperij non
obligat, nisi quantum alij Principes il-
lud adniserunt. Salas & alij 5. Decretū
autem Gratiani nullibi habet vim legis,
neque ex Auctoribus, neque ex aucto-
ritate Pontificis, neque ex consuetudi-
ne. Suar. & alij 8 *p. 5. tr. 14. res. 69. & 68.*

5 Lex quæ fertur, verbo imperatiuo,
regulariter loquendo, obligat sub mor-
tali (v.g. *Sacerdotes quamprimum confi-*

teantur si celebrauerint, &c.) quando est materia grauis, nisi aliud ex coniecturis appareat. (Vasquez & alij, 3.) Sed nō defunt qui contrarium doceant. Ledesm. & alij 2. Nemo tamen obligatur ante septennium, etsi habeat vsum rationis, nam hoc per accidens est. Sancius. p. 4. tr. 4. ref. 191. & tr. 3. ref. 52.

6 Vt lex non obliget, satis est eam nō obseruari, etiam si Princeps hoc nesciat: quia leges humanæ feruntur cum hac tacitâ conditione, si populus recipiat. Salas & alij 2. p. 1. tr. 10. ref. 4.

7 Non-vsus, quando continet vsum contrarium, quod fit quando repugnat præcepto affirmatiuo, potest abrogare legem. Lorca & alij. Et ad hoc non requiritur certum tempus, sed solūm repugnantia per actus contrarios, sufficientes iudicio prudentum: nullum enim ius præscribit certum tempus, v.g. 10. annorum. Suar. & alij 4. Sciente Principe & non puniente, vel eius Auditoribus, & Episcopis, aliqui sentiunt sufficere duos, vel tres actus contra legem. Azor. & alij 6. sed hoc potius relinquendum est arbitrio iudicis. Pontius & alij 3. *ibid.* ref. 7. & p. 6. tr. 5. ref. 18. 6. & 7. Imò quidam doceant nullam requiri

quiri præscriptionem, quoad forum conscientia, sed satis esse quod consuetudo sit rationabilis. Palatio. quod an sit probabile, tu cogita; nam communiter, contrarium docent. *p. 5. tract. 14. resol. 62.*

8 Quando cessat finis adæquatus legis in casu particulari, cessat etiam obligatio. Quia valet argumentum de toto ad partem, ex eo quod quando ratio legis cessat in totum, cesset etiam lex in totum. *Granad. & alij 9. p. 1. tr. 10. res. 28.*

9 Lex fundata in præsumptione non obligat in conscientia, si præsumptio in aliquo casu sit falsa. Quare hæres qui non confecit inventarium, non tenetur in foro conscientia solvere legata, vel debita defuncti, si excedant vires hæreditatis. *Layman & alij 5. idi. res. 27.*

10 In dubio circa legem, non est locus Epieikeia, sed seruanda sunt verba legis, ut sonant: quia lex est in possessione. *Suarez, & alij 6. Contrarium tamen tenet Salas & alij 3. p. 4. tr. 3. res. 23.*

11 Si dubitetur an lex sit vsu recepta, vel an obliget ad mortale, potest quis adhærere sententia neganti, (*Nauar. & Azor.*) An consuetudo sit inducta ex intentione obligandi, an verò sit tau-

tum deuotionis, & honestatis; hoc posterius est præsumendum. Suarez & alij 6. p. 1. tr. 10. res. 3. 25. & 30. & p. 4. tr. 3. res. 58. & p. 6. tr. 5. res. 12. Imò, etsi certus sis de lege, si tamen dubites an ratione alicuius necessitatis, vel alterius circumstantiæ excuseris, probabiliter non teneris eam seruare, si eius executio est tibi incommoda, & molesta. Salas. p. 4. tr. 3. res. 22.

12 Legislator qui non habet Superiorem, tenetur quidem legibus quæ omnes obligant, vt taxantibus pretia mercium: non tamen vi coercitiuâ, sed directiuâ, vt sit conformitas inter caput, & membra: sed non peccat mortaliter si eas non seruet, nisi iurauerit se seruaturum. Lessius & alij 3. p. 1. tr. 10. resol. 10.

13 Regulares non tenentur obseruare leges Synodales Episcoporum nisi ex decentiâ, & ad vitandum scandalum. Suar. & alij 6. Sunt tamen multi casus in quibus Religiosi etiam exempti tenentur legibus, & sententiis Episcoporum, quia sunt in iure expressi. *ibid* res. 11.

14 Lex pœnalis Ecclesiastica, putâ excomm. suspensionis, &c. obligat sub mortali, ex communi DD. sententiâ.

Quam-

Quamuis id negent de alijs pœnis, ex-
ceptâ excomm. Valent. & Salon. *ibid.*
ref. 21.

15 Lex pœnalis siue purè pœnalis, siue
mixta in materiâ graui, v.g. quæ ali-
quid vetat sub pœnâ capitis, cōfiscatio-
nis bonorum, dānationis ad triremes,
&c. obligat sub peccato mortali. Quia
pœna supponit culpam. Suarez, & alij
14. Contrarium tamen est probabile.
Nauarr. & alij 7. *ibid.* *ref. 17. 18. & 20.*

16 Declarationes Cardinalium maxi-
mi quidem sunt ponderis, tamen vim
legis non obtinent: quia lex non obli-
gat nisi promulgetur; sed dictæ de-
clarationes non promulgantur. Sanch.
& alij 8. *ibid.* *ref. 29. Sed postea iudicium*
suspendit Aucter. p. 5. tr. 2. ref. 96.

17 Regulæ Cancellariæ non obligant
in foro interiori: quare donatio inter
vivos facta per Episcopum intra viginti
dies ante obitum, valet in foro con-
scientiæ, licet per regulam Cancellariæ
sit nulla. Valerus. *p. 1. tr. 10. ref. 43.*

Vide *Pœna Statutum.*

Ludus, Ludere.

1 **Q**ui domum suam exponit om-
nibus ad ludendum aleâ, peccat
mor-